



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-02-2-273-1/20  
Sarajevo, 21.12.2020. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 33b. stav (2), člana 33f. stav (2) tačka b), člana 33i. stav (2) Zakona o finansiranju institucija Bosne i Hercegovine („Službeni glasnik BiH“ br. 61/04, 49/09, 42/12, 87/12 i 32/13), direktor Centralne harmonizacijske jedinice Ministarstva finansija i trezora Bosne i Hercegovine, donosi

**O D L U K U**  
**o objavljivanju „Smjernica za upravljanje rizicima**  
**u institucijama Bosne i Hercegovine – Verzija 2“**

**Član 1.**  
**(Predmet Odluke)**

Centralna harmonizacijska jedinica Ministarstva finansija i trezora Bosne i Hercegovine objavljuje Smjernice za upravljanje rizicima u institucijama Bosne i Hercegovine – Verzija 2 (u daljnjem tekstu: Smjernice), koje predstavljaju jednu od podloga za unapređenje finansijskog upravljanja i kontrole u institucijama Bosne i Hercegovine, u skladu s članom 33c. i 33d. Zakona o finansiranju institucija Bosne i Hercegovine.

**Član 2.**  
**(Korisnici Smjernica)**

Smjernice za upravljanje rizicima u institucijama Bosne i Hercegovine namijenjene su:

- (1) rukovodiocima institucija,
- (2) rukovodiocima organizacionih jedinica u instituciji,
- (3) osobama zaduženim za koordinaciju aktivnosti u uspostavljanju procesa upravljanja rizicima,
- (4) osobama zaduženim za finansijsko upravljanje i kontrolu,
- (5) internim revizorima za potrebe obavljanja funkcije interne revizije,
- (6) drugim osobama kojima rukovodilac institucije dodijeli ovlaštenja i odgovornosti za upravljanje rizicima.

**Član 3.**  
**(Cilj Smjernica)**

Cilj Smjernica je propisati operativno uputstvo kojim se na jedinstven način organizira i provodi upravljanje rizicima u institucijama Bosne i Hercegovine, te dokumentirati ovaj proces u obrascu Registar rizika u softverskoj aplikaciji za upravljanje rizicima i izvještavanje o sistemu finansijskog upravljanja i kontrole u institucijama Bosne i Hercegovine.

**Član 4.**  
**(Primjena)**

Smjernice detaljnije uređuju:

- organizaciju i provođenje upravljanja rizicima u institucijama Bosne i Hercegovine,
- način utvrđivanja uzroka rizika, indikatora za praćenje rizika i odlučivanje o načinu postupanja po rizicima,
- način dokumentiranja i praćenja procesa upravljanja rizicima u softverskoj aplikaciji za upravljanje rizicima i izvještavanje o sistemu finansijskog upravljanja i kontrole u institucijama Bosne i Hercegovine.

**Član 5.**  
**(Objavljivanje)**

- (1) Smjernice za upravljanje rizicima u institucijama Bosne i Hercegovine, čiji je sastavni dio struktura Registra rizika s metodologijom njegovog popunjavanja, objavljuju se na web stranici Ministarstva finansija i trezora Bosne i Hercegovine [www.mft.gov.ba](http://www.mft.gov.ba), u dijelu koji se odnosi na Centralnu harmonizacijsku jedinicu Ministarstva finansija i trezora BiH.
- (2) Ova odluka stupa na snagu 8. dana od dana objavljivanja u „Službenom glasniku BiH“, a objavljuje se i na web stranici Ministarstva finansija i trezora Bosne i Hercegovine [www.mft.gov.ba](http://www.mft.gov.ba), u dijelu koji se odnosi na Centralnu harmonizacijsku jedinicu Ministarstva finansija i trezora BiH.

**Član 6.**  
**(Prelazne i završne odredbe)**

- (1) Smjernice će se početi primjenjivati u toku implementacije softverske aplikacije za upravljanje rizicima i izvještavanje o sistemu finansijskog upravljanja i kontrole u institucijama Bosne i Hercegovine.
- (2) Nakon testiranja i stavljanja u upotrebu softverske aplikacije za upravljanje rizicima i izvještavanje o sistemu finansijskog upravljanja i kontrole u institucijama Bosne i Hercegovine, Centralna harmonizacijska jedinica Ministarstva finansija i trezora BiH donijet će posebnu Odluku o prestanku primjene Smjernica za provođenje procesa upravljanja rizicima u institucijama Bosne i Hercegovine i Odluke o objavljivanju Smjernica za provođenje procesa upravljanja rizicima u institucijama Bosne i Hercegovine broj: 03-1-02-02-110-1/15 od 31.03.2015. godine („Službeni glasnik BiH“ broj 29/15).

**DIREKTOR**

**Ranko Šakota, v.r.**